



CONCELLO DE PARADELA

Rúa Cabaleiros de Santiago nº 15
27611 Paradelas
Tfno: 982 54 11 01/ 96
Fax: 982 54 12 32 / 07
E-mail: concello.paradela@eidolocal.es

ACTA Nº 6/2015

CONCELLO DE PARADELA

PROVINCIA DE LUGO

ACTA DA SESIÓN EXTRAORDINARIA, CELEBRADA POLO PLENO CORPORATIVO MUNICIPAL O DÍA VINTE E TRES DE XUÑO DE DOUS MIL QUINCE.

En Paradelas, a vinte e tres de xuño de 2015

No Salón de Sesiões da Casa Consistorial, sendo as trece horas e dous minutos, reúnese en primeira convocatoria a Corporación Municipal en Sesión extraordinaria, baixo a Presidencia do Alcalde, D. José Manuel Mato Díaz e coa asistencia dos Srs. Concelleiros.

- D^a SONSOLES LÓPEZ IZQUIERDO
- D. GUILLERMO CASTRO GONZÁLEZ
- D. MARTÍN LÓPEZ LÓPEZ
- D^a ANA BELÉN LÓPEZ ÁLVAREZ
- D. BENJAMÍN LÓPEZ MATO
- D. JESÚS PABLO LÓPEZ GONZÁLEZ

Non asiste D^a M^a MONTSERRAT MULET SAR, xustificando a súa ausencia, polos problemas de saúde dun familiar e D. MANUEL REGUEIRO LÓPEZ, que lle xurdiu un imprevisto de última hora.

Asiste o Secretario-Interventor da Corporación, José López González, que da fe do acto.

A continuación procédese a coñecer dos asuntos incluídos na orde do día.

1º. APROBACIÓN, SE PROCEDE, DA ACTA DA SESIÓN CONSTITUTIVA DE DATA 13 DE XUÑO DE 2015.

Polo Sr. Alcalde, que preside a sesión, procédese a preguntar aos demais membros da Corporación se teñen algo que obxectar á acta, da sesión constitutiva celebrada polo Pleno o día 13 de xuño de 2015, da que as minutas foron distribuídas coa convocatoria, todo ao abeiro do disposto no art. 91 do Regulamento de Organización, Funcionamento e Réxime Xurídico das Entidades Locais.

Sometése a aprobación da acta, da sesión constitutiva celebrada polo Pleno o día 13 de xuño de 2015.

O resultado foi de aprobación pola unanimidade dos sete Concelleiros que asisten á sesión (cinco do Grupo Municipal do Partido Popular e dous do Grupo Municipal Socialista) sendo nove seu número legal de membros.

2º. PERIODICIDADE DAS SESIÓNS PLENARIAS.

Procedese por parte do Sr. Alcalde-Presidente a dar lectura da seguinte proposta:

“Considerando o disposto no artigo 38 do Real Decreto Lexislativo 2568/1986, do 28 de novembro, de organización, funcionamento e réxime xurídico das entidades

locais. De conformidade co disposto nos artigos 46.2 da Lei 7/1985, do 2 de abril; 210.2 a) da Lei 5/1997, do 22 de xullo, de Administración Local de Galicia e 78 do R.O.F.R.J.E.L, esta Alcaldía eleva ao Pleno a seguinte PROPOSTA:

PRIMEIRO.- Fixar a celebración das sesións ordinarias do Pleno da Corporación, o derradeiro xoves hábil dos meses de xaneiro, marzo, maio, xullo, setembro e novembro ás trece horas (13:00) da mañá.

Paradela, a 18 de xuño de 2015. O Alcalde, Asdo.: José Manuel Mato Díaz”.

Sen que se produza debate algún, a proposta resulta aprobada pola unanimidade dos sete Concelleiros que asisten á sesión (cinco do Grupo Municipal do partido popular e dous do Grupo Municipal Socialista) sendo nove seu número legal de membros.

3º. COMPOSICIÓN E RÉXIME DA COMISIÓN ESPECIAL DE CONTAS.

Procédese por parte do Sr. Alcalde-Presidente a dar lectura da seguinte proposta:

“O artigo 20.1º.c) da Lei 7/1985, do 2 de abril, de Bases do Réxime Local, considera á Comisión Especial de Contas coma órgano necesario en todos os Municipios.

Dita Comisión estará integrada, segundo o artigo 116 da Lei 7/1985 e 66 da Lei 5/1997, do 2 de abril, por representantes de todos os grupos políticos existentes na Corporación.

O seu réxime axustarase ao establecido para as Comisións informativas nos artigos 123, 127 e 134 do Real Decreto 2568/1986, do 28 de novembro, de organización, funcionamento e réxime xurídico das entidades locais.

En canto a súa composición e estrutura, o artigo 66.2º da Lei 5/1997, do 22 de xullo, establece o criterio de proporcionalidade, e no derradeiro caso, o de voto ponderado.

Por elo, tendo en conta a composición da corporación resultante das eleccións municipais do 24 de maio de 2015, con grupos compostos por 7 membros no caso do Grupo Municipal Popular e 2 membros no caso do Grupo Municipal Socialista; seguindo un criterio proporcional, por parte do Alcalde-Presidente preséntase a seguinte proposta:

PRIMEIRO.- Establecer a composición da Comisión Especial de Contas que estará integrada da seguinte forma:

Presidente: O Alcalde ou concelleiro en quen delegue.

Vogais: Tres Concelleiros/as designados polo Grupo Municipal Popular.

- Dª María Montserrat Mulet Sar.

- D. Martín López López

- D. Jesús Pablo López González

Un Concelleiro/a Grupo Municipal Socialista. D. Guillermo Castro González; tal e como consta na solicitude presentada pola Voceira do Grupo Municipal Socialista en data 17 de xuño de 2015 (Rex. Entrada núm. 646).

SEGUNDO.- A Comisión Especial de Contas celebrará sesión ordinaria cando sexan sometidas ao seu coñecemento as contas anuais, no día e hora que estableza o Alcalde-Presidente.

Paradela, a 18 de xuño de 2015. O Alcalde, Asdo.: José Manuel Mato Díaz”.

Sen que se produza debate algún, a proposta resulta aprobada pola unanimidade dos sete Concelleiros que asisten á sesión (cinco do Grupo Municipal do partido popular e dous do Grupo Municipal Socialista) sendo nove seu número legal de membros.



CONCELLO DE PARADELA

Rúa Cabaleiros de Santiago nº 15
27611 Paradelas
Tfno: 982 54 11 01/ 96
Fax: 982 54 12 32 / 07
E-mail: concello.paradela@eidolocal.es

4º. NOMEAMENTO DE TESOUREIRO.

Procédese por parte do Sr. Alcalde-Presidente a dar conta da seguinte proposta:

“Visto o disposto nos artigos 92.4 da Lei 7/85 de Bases de Réxime Local; 164.2 do Real Decreto Lexislativo 781/86, 5 do Real Decreto Lexislativo 1174/87 de 18 de xullo e 2 f) do Real Decreto 1372/1994 de 29 de xullo, esta Alcaldía eleva ao Pleno a seguinte PROPOSTA:

Nomear como Tesoureiro do Concello de Paradelas ao Concellerío do Grupo Municipal do Partido Popular. D. Bejamín Lopez Mato.

Paradelas, a 18 de xuño de 2015. O Alcalde, Asdo.: José Manuel Mato Díaz”.

Sen que se produza debate algún, a proposta resulta aprobada pola unanimidade dos sete Concelleríos que asisten á sesión (cinco do Grupo Municipal do partido popular e dous do Grupo Municipal Socialista) sendo nove seu número legal de membros.

5º. NOMEAMENTO DE REPRESENTANTES DA CORPORACIÓN EN ÓRGANOS COLEXIADOS.

Procédese por parte do Sr. Alcalde-Presidente a dar lectura da seguinte proposta:

“De conformidade co establecido no artigo 28.c) do Real Decreto 2568/1986, do 28 de novembro, de organización, funcionamento e réxime xurídico das entidades locais, elevo ó pleno a seguinte PROPOSTA:

PRIMEIRO.- Designar aos seguintes representantes do concello en órganos colexiados:

- Consorcio de Turismo Ribeira Sacra, D. José Manuel Mato Díaz.*
- Mancomunidade de Municipios do Camiño Francés, D. José Manuel Mato Díaz.*
- Consello de Administración de PARAVENTO, S.L., D. José Manuel Mato Díaz.*
- GDR Os Sete Castros, D. Martín López López.*
- Consello Escolar C.E.I.P. “San Miguel” de Paradelas, D. Jesús Pablo López González.*

Paradelas, a 18 de xuño de 2015. O Alcalde, Asdo.: José Manuel Mato Díaz”.

Sen que se produza debate algún, a proposta resulta aprobada pola maioría absoluta do número legal de membros da corporación, cos votos favorables dos nove membros do Grupo Municipal Popular e a abstención dos dous membros do Grupo Municipal Socialista.

6º. CREACIÓN, SE PROCEDE, DA XUNTA DE GOBERNO LOCAL.

Procédese por parte do Sr. Alcalde-Presidente a dar lectura da seguinte proposta:

“De conformidade co establecido no artigo 20.1º.b) da Lei 7/1985, do 2 de abril, de Bases de Réxime Local: “A Xunta de Goberno Local existe en todos os municipios con poboación superior a 5.000 habitantes e nos de menos, cando así o dispoña o seu Regulamento orgánico ou o acorde o Pleno do concello.”

Tendo en conta a experiencia existente no Concello onde de forma tradicional existe dito órgano colexiado e a importante labor de asistencia e colaboración no

gobierno municipal que efectúa á Alcaldía, esta Presidencia eleva ó Pleno a seguinte PROPOSTA:

PRIMEIRO.- Constituir, como órgano colexiado integrante da organización municipal, a Xunta de Goberno Local.

SEGUNDO.- As sesión ordinarias celebraranse os xoves ás 14:00 horas, cada quince (15) días.

Paradela, a 18 de xuño de 2015. O Alcalde, Asdo.: José Manuel Mato Díaz”.

Intervén o Secretario-Interventor da Corporación, dicindo que nalgúnhas ocasións a hora de celebración das sesión ordinarias poderá modificarse, sen que esta perda a súa condición de carácter ordinario; todos os Concelleiros que asisten á sesión amosan a súa conformidade.

Sen que se produza debate algún, a proposta resulta aprobada pola unanimidade dos sete Concelleiros que asisten á sesión (cinco do Grupo Municipal do partido popular e dous do Grupo Municipal Socialista) sendo nove seu número legal de membros.

7º. COÑECEMENTO DAS RESOLUCIÓNS DE ALCALDÍA EN MATERIA DE NOMEAMENTO DE TENENTES DE ALCALDE, NOMEAMENTO DE MEMBROS DA XUNTA DE GOBERNO LOCAL E DELEGACIÓNS DE COMPETENCIAS DO ALCALDE NA XUNTA DE GOBERNO LOCAL E NOS MEMBROS DE DITO ÓRGANO COLEXIADO.

Por parte do Sr. Alcalde dase conta das Resolucións de Alcaldía de data 17 de xuño de 2015, co seguinte tenor literal:

“De conformidade co disposto nos artigos 21.2 da Lei 7/1985, de 2 de abril, reguladora das bases do réxime local (LRBRL) e 46.1 do Regulamento de organización, funcionamento e réxime xurídico das entidades locais (ROF) de 28 de novembro de 1986, RESOLVO:

PRIMEIRO.- Nomear coma Tenentes de Alcalde aos seguintes concelleiros:

- Primeiro Teniente de Alcalde: D. Martín López López

- Segunda Teniente de Alcalde: D^a M^a Montserrat Mulet Sar.

- Terceira Teniente de Alcalde: D^a. Ana Belén López Álvarez

Corresponderá aos Tenentes de Alcalde, en canto tales, substituír na totalidade das súas funcións e pola orde do seu nomeamento, ao Alcalde, nos casos de ausencia, enfermidade ou impedimento que imposibilite a este para o exercizo das súas atribucións, así coma desenvolver as funcións do Alcalde nos supostos de vacante na Alcaldía ata a toma de posesión do novo Alcalde.

SEGUNDO.- Notificar o presente decreto aos designados.

TERCEIRO.- Dar conta do presente Decreto ao Pleno do Concello na primeira sesión que se celebre, e publicalo no Boletín Oficial da Provincia, sen prexuízo da súa efectividade desde o día seguinte á data da presente resolución.

Paradela, a 17 de xuño de 2015. O Alcalde, Asdo.: José Manuel Mato Díaz.”

“De conformidade co establecido nos artigos 21.3º e 23.1º da Lei 7/1985, do 2 de abril, de Bases de Réxime Local; 22 e 23.2º do Real Decreto Lexislativo 781/1986, do 18 de abril, polo que se presta aprobación o texto refundido de disposicións legais vixentes en materia de Réxime Local e 43, 51, 52 e 53 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais, por medio da presente RESOLVO:



CONCELLO DE PARADELA

Rúa Cabaleiros de Santiago nº 15
27611 Paradelas
Tfno: 982 54 11 01/ 96
Fax: 982 54 12 32 / 07
E-mail: concello.paradela@eidolocal.es

PRIMEIRO.- Designar, coma membros da Xunta de Goberno Local, aos seguintes Concelleiros:

- D. Martín López López
- D^a María Montserrat Mulet Sar
- D^a Ana Belén López Álvarez

SEGUNDO.- Efectuar delegación na Xunta de Goberno Local coma órgano colexiado das seguintes atribucións:

a) En materia de urbanismo e licenzas:

- *As aprobacións dos instrumentos de planeamento de desenvolvemento do planeamento xeral non expresamente atribuídos ao Pleno, os instrumentos de xestión urbanística e dos proxectos de urbanización.*

- *O outorgamento de licenzas, calquera que sexa a súa natureza, salvo que as leis sectoriais o atribúan expresamente ao Pleno.*

b) En materia contractual

- *A aprobación dos procedementos de contratación e a aprobación dos pregos de Cláusulas Administrativas Particulares e no seu caso, de Prescricións Técnicas, para as contratacións e concesións de toda clase na que a competencia esté atribuída á Alcaldía, e dicir, cando o importe da contratación non supere o 10 por 100 dos recursos ordinarios do orzamento, nin en calquera caso, a contía de seis millóns de euros, incluídos os de carácter plurianual cando a súa duración non sexa superior a catro anos, sempre que o importe acumulado de todas as súas anualidades non supere nin a porcentaxe indicada, referida aos recursos ordinarios do orzamento do primeiro exercicio, nin a contía sinalada.*

Queda excluída de Delegación a adxudicación á que fai referencia o artigo 151.3 do Real Decreto legislativo 3/2011, de 14 de novembro polo que se aproba o Texto refundido da Lei de contratos do sector público.

- *A aprobación dos proxectos de obras e servizos cando sexa competente para a súa contratación e concesión a Alcaldía e estean previstas no Orzamento.*

- *A aprobación das certificacións de obra e facturas, así como dos documentos que verifiquen a recepción do subministro ou, no seu caso a confirmación da prestación do servizo, derivadas, todas elas, dos expedientes citados nos apartados anteriores.*

c) En materia sancionadora

- *Sancionar as faltas de desobediencia á Alcaldía ou por infracción das Ordenanzas Municipais, excepto cando tal facultade estea atribuída ao Pleno, con exclusión das sancións en materia de persoal.*

d) En materia económico financeira

- *As autorizacións, disposicións de gastos e recoñecemento de obrigas que dentro das competencias contractuais do Alcalde teñan un importe superior aos 3.000,00 euros.*

- *O outorgamento de subvencións.*

- *O desenvolvemento da xestión económica de acordo co Presuposto aprobado e segundo o disposto nas súas Bases de Execución.*

- A organización dos servizos de recaudación e Tesourería, sen prexuízo das facultades do Pleno para aprobar as formas de xestión destes servizos, así como a de aprobar todo tipo de padróns tributarios, fixando o período de cobro en voluntaria.

e) En materia de bens

- A adquisición de bens inmoebles e dereitos xuxetos a lexislación patrimonial cando o seu valor non supere o 10 por 100 dos recursos ordinarios do orzamento nin o importe de tres millóns de euros.

- A enaxenación de bens inmoebles, integrantes do patrimonio municipal, que non superen a porcentaxe e contía indicados anteriormente, excepto os declarados de valor histórico ou artístico cuxa enaxenación non se encuentre prevista no orzamento.

f) Noutras materias

- A solicitude de subvencións de calquera Entidade Pública ou Privada, na que a competencia non esté atribuída pola Lei ao Pleno.

- A solicitude de delegación de competencias para contratar obras ou servizos de competencia da Alcaldía efectuadas a outras Administracións Públicas.

TERCEIRO.- Efectuar ao abeiro do artigo 43.5.b) do Regulamento de organización, funcionamento e réxime xurídico das entidades locais de 28 de novembro de 1986, as seguintes delegacións especiais:

- Don Martín López López: Delegado da Área de obras, infraestruturas, xuventude e deportes.

- Dona Montserrat Mulet Sar: Delegada de servizos sociais, sanidade e consumo.

- Dona Ana Belén López Álvarez: Delegada de Promoción de emprego, formación e cultura.

Os concelleiros titulares de ditas delegacións, deberán dar conta á Xunta de Goberno Local das labores e actuacións desenvolvidas con motivo da mesma, aos efectos de garantir a unidade de goberno e xestión municipal e a súa debida coordinación co órgano colexiado titular das facultades decisorias nas áreas nas que se integran os servizos afectados.

CUARTO.- Pese ás delegacións conferidas, a Alcaldía poderá, mediante Resolución motivada, resolver sobre as materias delegadas, cando a urxencia do asunto así o xustifique, dando conta á Xunta de Goberno Local na sesión inmediata seguinte para a súa ratificación.

QUINTO.- Dar conta da presente Resolución aos interesados con indicación dos recursos que procedan.

SEXTO.- Dar conta da presente Resolución ao Pleno na sesión organizativa e publicala no Boletín Oficial da Provincia.

SÉTIMO.- A eficacia do presente acto quedará supeditada ao acordo que sobre creación de Xunta de Goberno Local adopte o Pleno.

Paradela, a 17 de xuño de 2015. O Alcalde, Asdo.: José Manuel Mato Díaz.”

8º. DELEGACIÓN, SE PROCEDE, DE COMPETENCIAS DO PLENO NA XUNTA DE GOBERNO LOCAL.

Procédese por parte do Sr. Alcalde-Presidente a dar lectura da seguinte proposta:

Visto o disposto no artigo 20.1.b) da Lei 7/85, artigo 35 e concordantes do Regulamento de Organización, Funcionamento e Réxime Xurídico das Entidades



CONCELLO DE PARADELA

Rúa Cabaleiros de Santiago nº 15
27611 Paradelas
Tfno: 982 54 11 01/ 96
Fax: 982 54 12 32 / 07
E-mail: concello.paradela@eidolocal.es

Locais, así como o artigo 59.2 b) da Lei 5/97, de 22 de xullo de administración local de Galicia.

Visto o artigo 22.4 da Lei 7/85 de 2 de abril, reguladora das bases de réxime local, segundo o cal o Pleno pode delegar o exercicio das súas atribucións na Xunta de Goberno, coas excepción sinaladas no mesmo artigo, así como o artigo 51 do R.O.F. e Réxime Xurídico das Entidades Locais, propoño ó Pleno do Concello a adopción do seguinte acordo:

PRIMEIRO.- A creación da Xunta de Goberno Local, que baixo a Presidencia do Alcalde, estaría integrada por tres membros corporativos.

SEGUNDO.- Delegar na Xunta de Goberno Local, por razón de eficacia e operatividade, as seguintes competencias, dentro das que legalmente son delegables, e que ten atribuídas o Pleno no artigo 22 da Lei 7/85, de Bases do Réxime Local:

a) En materia contractual

- As competencias como órgano de contratación; a aprobación dos pregos de Cláusulas Administrativas Particulares e no seu caso, de Prescricións Técnicas, respecto dos contratos de obras, de subministración, de servizos, de xestión de servizos públicos, os contratos administrativos especiais, e os contratos privados que de conformidade coa Disposición Adicional Segunda da Lei 30/2007, de 30 de outubro, de Contratos do Sector Público sexan competencia do Pleno Municipal; excepto os contratos de xestión de servizos públicos que excedan de cinco anos, sempre que a súa contía exceda do 20 por 100 dos recursos ordinarios do Orzamento, xa que de conformidade co art. 47.2 j) da Lei reguladora das Bases do Réxime Local, a adopción do correspondente acordo esixe un quórum especial.

Queda excluída de Delegación a adxudicación á que fai referencia o artigo 151.3 do Real Decreto lexislativo 3/2011, de 14 de novembro polo que se aproba o Texto refundido da Lei de contratos do sector público.

- A aprobación dos proxectos de obras e servizos cando sexa competente para a súa contratación ou concesión o Pleno, aínda cando non estean previstas no Orzamento.

- O nomeamento dos membros das Mesas de contratación nos expedientes de contratacións e concesións.

- A aprobación das certificacións de obras e facturas, así como os documentos que verifiquen a recepción do subministro ou, no seu caso, a confirmación de prestación do servizo, derivadas, todas elas, dos expedientes de contratación e concesión.

b) En materia de bens

- A adquisición de bens inmoables e dereitos xuxetos a lexislación patrimonial cando o seu valor supere o 10 por 100 dos recursos ordinarios do orzamento e, en todo caso, cando o seu importe sexa superior a tres millóns de euros.

- A enaxenación de bens inmoables, integrantes do patrimonio municipal, que superen a porcentaxe e contía indicados anteriormente.

- As enaxenacións patrimoniais de bens inmoables e mobles declarados de valor histórico artístico, non previstos no Orzamento.

Exceptúanse dos apartados 2 e 3 anteriores as enaxenacións de bens que teñan contía superior ao 20% dos recursos ordinarios do Orzamento, suposto no que se require maioría absoluta do número legal de membros da Corporación para a adopción do acordo.

c) En materia xurídica

- O exercicio de accións xudiciais e administrativas e a defensa da Corporación en materias de competencia plenaria.

- A declaración de lesividade dos actos do Concello.

d) Noutras materias

- As demais que expresamente lle confiran as leis e do que a aprobación non exixa unha maioría especial.

TERCEIRO.- Delegar na Alcaldía:

- A adxudicación dos contratos, á que fai referencia o artigo 151.3 do Real Decreto lexislativo 3/2011, de 14 de novembro polo que se aproba o Texto refundido da Lei de contratos do sector público.

- A aprobación dos plans de seguridade e saúde dos proxectos de obras e servizos cando sexa competente para a súa contratación e concesión o Pleno aínda cando non estean previstas no Orzamento.

CUARTO.- O réxime xurídico aplicable á presente delegación será o previsto con carácter xeral na Lei 30/1992, de 26 de novembro e os artigos 114 a 118 do Real Decreto 2568/1986, de 28 de novembro, polo que se aproba o regulamento de organización, funcionamento e réxime xurídico das entidades locais.

QUINTO.- A delegación de competencias surtirá efectos dende o día seguinte da súa adopción, ata a data de expiración do mandato dos membros do Concello, debendo publicarse o acordo de delegación no Boletín Oficial da Provincia.

Paradela, a 18 de xuño de 2015. O Alcalde, Asdo.: José Manuel Mato Díaz.”

Sen que se produza debate algún, a proposta resulta aprobada pola unanimidade dos sete Concelleiros que asisten á sesión (cinco do Grupo Municipal do partido popular e dous do Grupo Municipal Socialista) sendo nove seu número legal de membros”.

9º. APROBACIÓN, SE PROCEDE, DE ADICACIÓNS EXCLUSIVAS E RETRIBUCIÓNS, ASISTENCIAS POLA CONCURRENCIA ÁS SESIÓNS DOS ÓRGANOS COLEXIADOS DA CORPORACIÓN E INDEMNIZACIÓNS POLOS GASTOS EFECTIVOS OCASIONADOS NO EXERCICIO DO CARGO.

Procédese por parte do Sr. Alcalde-Presidente a dar lectura da seguinte proposta

“En aplicación do establecido no artigo 75.1, 2 e 5 da Lei 7/1985, do 2 de abril, de bases do réxime local e 13 do Regulamento de organización, funcionamento e réxime xurídico das entidades locais aprobado por Real Decreto 2568/1986, do 28 de novembro, esta Alcaldía-Presidencia eleva ao Pleno a seguinte PROPOSTA:

PRIMEIRO.- *Establecer coma cargos que levarán aparellada réxime de adicación os seguintes:*

- Alcaldía-Presidencia, adicación exclusiva.

- 1º Tenente de Alcalde, adicación parcial, 25 % da xornada, concelleiro delegado de obras, infraestruras, xuventude e deporte.

- Tesouraría, adicación parcial.



CONCELLO DE PARADELA

Rúa Cabaleiros de Santiago nº 15
27611 Paradelas
Tfno: 982 54 11 01/ 96
Fax: 982 54 12 32 / 07
E-mail: concello.paradela@eidolocal.es

SEGUNDO.- Fixar coma retribucións dos indicados cargos as seguintes:

- 40.000,00 euros brutos anuais distribuídos en 14 pagas iguais (12 mensuais e dúas extraordinarias a percibir nos meses de xuño e decembro) para a dedicación exclusiva do cargo de Alcalde.

- 10.000,00 euros brutos anuais distribuídos en 14 pagas iguais (12 mensuais e dúas extraordinarias a percibir nos meses de xuño e decembro) para a adicación parcial do cargo de 1º Tenente de Alcalde, concelleiro delegado de obras, infraestruras, xuventude e deporte.

- 3.084,48 euros brutos anuais distribuídos en 14 pagas iguais (12 mensuais e dúas extraordinarias a percibir nos meses de xuño e decembro) para o cargo de Tesoureiro.

- As retribucións fixadas incrementaranse, anualmente, na mesma porcentaxe que establezan as Leis de Orzamentos do Estado para os Funcionarios Públicos.

- A persoa que obste os cargos citados, será dada de alta no Réxime Xeral da Seguridade Social, asumindo o Concello a cota empresarial que corresponda.

TERCEIRO.- Fixar o importe das asistencias pola concurrencia efectiva ás sesións dos órganos colexiados da corporación dos que se forme parte, as actualmente establecidas nas Bases de Execución do orzamento xeral municipal do exercicio 2015:

- Cen euros (100,00 euros) por asistencia a sesión plenaria.

- Sesenta euros (60,00 euros) por asistencia a Xunta de Goberno Local.

- Sesenta euros (60,00 euros) por asistencia á Comisión Especial de Contas.

CUARTO.- Fixar o importe das indemnizacións por gastos ocasionados polo exercicio de cargo representativo, as actualmente establecidas nas Bases de Execución do orzamento xeral municipal do exercicio 2015:

- Por uso de vehículo particular, 0,24 euros/km.

- Dieta enteira con aloxamento, 180 euros/día.

- Dieta enteira con manutención incluída, 90 euros/día.

- Media dieta con manutención incluída, 60 euros/día.

Paradela, a 18 de xuño de 2015. O Alcalde, Asdo.: José Manuel Mato Díaz.”

Sen que se produza debate algún, a proposta resulta aprobada pola unanimidade dos sete Concelleiros que asisten á sesión (cinco do Grupo Municipal do partido popular e dous do Grupo Municipal Socialista) sendo nove seu número legal de membros.

10º. DACIÓN DE CONTA DOS GRUPOS MUNICIPAIS CONSTITUIDOS.

Dando cumprimento ao disposto no art. 25 do Real Decreto 2568/1986, de 28 de novembro, o Sr. Alcalde dá conta ao Pleno da constitución dos seguintes grupos políticos, dos seus integrantes e dos seus voceiros:

Grupo Político do PARTIDO POPULAR:

- D. JOSE MANUEL MATO DÍAZ

- D^a. M^a MONTSERRAT MULET SAR (voceiro).

- D. MARTÍN LÓPEZ LÓPEZ (voceiro suplente)

- D^a. ANA BELÉN LÓPEZ ÁLVAREZ

- D. BENJAMÍN LÓPEZ MATO
- D. MANUEL REGUEIRO LÓPEZ
- D. JESÚS PABLO LÓPEZ GONZÁLEZ

Grupo Político do PsdeG-PSOE:

- D^a SONSOLES LÓPEZ IZQUIERDO (voceira).
- D. GUILLERMO CASTRO GONZÁLEZ (voceiro suplente)

O Pleno dase por enterado.

E non habendo máis asuntos que tratar, o Presidente levantou a sesión sendo as trece horas e quince minutos do vinte e tres de xuño de dous mil quince, exténdose a presente acta da que coma Secretario-Interventor dou fe.

Visto e prace

O Alcalde

O Secretario-Interventor